


# Hashihthü shing laihing Hunyeih

## Jisu Bùhpü



Nyangbü: Edward Hughes

Lajei lingbü: M. Maillot

Lepbü: Master Clement Bujem

Sheteiphenei lingbü: E. Frischbutter; Sarah S.

Büshah 60 kübü 36

[www.M1914.org](http://www.M1914.org)

*Bible for Children, PO Box 3, Winnipeg, MB R3C 2G1 Canada*  
Nüangi neyuphei keyü hapa lai lingei nevaijü ngümei ngaihen aok.

Phom

Hepak luangi daiteke,  
Kahvangi Jehoda am nela  
Mary touei vangsho  
phongshan Gabriel  
shomteke.



Büpai pinyü kü, "Nüangi yeshang  
hük bühhen hatü büpalei men  
Jisu shei menhen. Büpâyü peü  
mü Jaipüba shei nyükhen.  
Büpa den kü vanglem  
lemhen" shei eteke.



"Hapayü mekei etü aokhen?" shei nelanyüi thamaei e. "Ngei üpa baha mao nenyuham" shei e. Vangsho phongshani Mary kü hapa näü-ü Kahvang leipü peikahen. Hangku pa nenyuhen shei eteke.



3

Vangsho phongshani Mary kü anyei Elizabeth-ao vüdaijao hapeü koshi nyüke shei eteke. Hapa-ao yashanbenüing nyuteke. Lomi Mary-i Elizabeth thümtেকে. Jiji chemi Kahvang kü menvih shuoh.




4

Mary-ü shennyak hük meni Joseph mü shem yemhen eteitüktü nyuteke. Mary-i hapeü anghen mü nyüpeih shei epü danei Joseph mongmangei deih. Hanei amei hapeü vaihen khih shei büpai deih.



5

Mangh kü vangsho phongshan homei Joseph kü hapayü Kahvangei Ha hih shei eshuohteke. Joseph-i Jisu kü junghen nangkü Mary kü sheühhen mü vamteke.



6

Joseph-i Kahvang kü hinglemei ven danteke. Büpai jomei kahmükei shahkungao bangteke.




7

Shahkungnyü ja vampü nangkü Mary jiji lat shuohhen shingvaishi jomei jila Bethlehemei peiteke.



8




Mary näi anghen hepak ngoi. Shejao Joseph-i meleyao nyushing nedang. Ngoihen shem kemei madaitü nyu.

9




Joseph-i shompülei mohoh khaok hük dang. Halei näi Jisu angteke. Chenyüi büpa mohoh-i het shaipü shungei lemshuohteke.

10




Yopailei miyombüthüi jomei mithü yomei nyu.

11



Kahvangei phongshanthü vamei jomphong kü shahjangmei eshuohteke.

12



"Shinyih David chingnyülei Yemleipüba Shembüpa Khrista angteke. Ammi hapa Näi mohoh hetshai shungei lemshi eehen."

13



Ngangahük kü vangsho phongshanthü longi peiyei Kahvang men vih-ei, ...


14

... "Peü mü shaopüba Kahvang kü müknyinshakhang vaituh, ...



15

... kahdoknyü kü chingmei hatü hangku touei nyiushemmei" shei eteke.




16

Miyombüthü hetshung touei mokei heih. Jomi Näü eephei kü vangsho phangshanthüi Jisu nang mehe epa, ha jung heüpü peü kü ejateke.



17

Nyih pinyi pheikü Joseph hatü Mary nyi-i Jisu phopshemei müei pei.




18

Simeon shei menpü shennyaki Näü nangkü Kahvang kü menvih shuoh, hatü Anna shei menpü lebü chongphobü hüki Shembüpa kü menvih shuoh.



19

Jijipheni Jisu-ü lahtükpü Yemleipüba Kahvang Ha khieh shei nyingteke. Joseph-i ou nyi moila shuoh.




20



Hapayü taopathüi  
Shembüpa touei  
näüja deipü hepak  
kü dükhen  
Kahvangei  
shahkung  
nyuteke.

21



Maani  
angpheikü  
litha homei  
Heong  
phileipü

Kon kohpü  
Shennyakthü  
Jerusalemei  
müei pei.


22



"Jehoda amei  
Ong hük angpü  
ha melei  
nyüke?"


"Hamiyao büpa  
kü khümhüangke"  
shei pheteke.

23



Herod Ongpai  
hapa Kon kohpü  
Shennyakthü jung  
danei nyu. Büpa  
longi mongshangei  
Jisu metouei  
danghen büpa  
kao eshih shei  
jomphong  
kü e.

24



"Ngeiyao büpa kü  
khümhünyüke" shei  
Herodi e. Shejao  
büpa shahshem  
eteke. Herodi  
Jisu jütükhüei  
deih.

25



Mary hatü Joseph nyi näü mü nyupü  
shem kü jiüshi litha homei Kon  
kohpü Shennyakthü müei pei.  
Aümei shatü khümei hapa  
yenpathüi Jisu kü hon hatü  
vongmei meli  
thintho  
shuoh.

26

Kahvangi Kon kohpü  
Shennyakthü kü joi  
shemei leidaihen eteke.  
Herod longi mongshih.



27

Jisu jütükhüpü nangkü  
hapa nemeipü ongpai  
Jerusalemei nyupü  
bahanaü kemei jütük.




28

Shejao Herodi  
Kahvang Ha nejüaok.  
Mang mü eshuohpü  
nangkü Joseph-i  
Mary hatü näü nyi  
yah-ei yanglem  
yemei Ijiplei yüü dai.



29

Mechem Herod  
didaipa, Joseph-i  
Mary hatü Jisu  
nyi Ijip leipü  
müei  
lei.



30

Jomphong Galil yungching  
yopai kü nyupü Nazareth chingei nyu.

Jisu Böhüpü

Kahvangei Shah Laihing leipü büshah

Dangnyeih

Mathi 1-2, Luk 1-2

"Nüingei Shah shühahpai vangngai shuohnyeih."  
Menvih Kesho 119:130

Jeni dao nemeipü dükteke shei Kahvangi  
nyingei nyüke. Mang shing hanghiyü dipü nyüke.

Kahvangi jen kü longi bampü nangkü büpai laophülei  
Ha Jisu shophang kü diyeyi nüngei hang shemhen  
shompeih. Jisu yangei leiyeyi vangsholei aongdai.  
Shaang Kahvangi jenei mang tükphahen.

Nüngi nüngei mang kübü mong lepei leihüjema, Kahvang  
kü ha etuh: Bambü Kahvang, Jisu ngei shing dypeih  
shei ngei nying hatü shaang yangei leiteke. Ngelei  
mongei shükei hatü ngelei mang tükshih, shejüang  
shaang ngei yangnyu ja danghen hatü nüngmü den kü  
nyuhen. Nüngi ha leshi nüng shing nyuhen ngei kü  
sheühshihma. Amen. Johan 3:16

Laihing ietuh, nyihjeih Kahvang mü eteituh.